

# Vijeće podržalo optužbe protiv Hashimija

16 februar 2012 Izmijenjeno 22:57 CET

**Optužbe protiv iračkog potpredsjednika da je odgovoran za napade na sigurnosne zvaničnike i šiitske hodočasnike**



Hashimi: Negira optužbe te je pronašao utočište u kurdomskom regionu na sjeveru Iraka [Reuters]

Sudsko vijeće u Iraku podržalo je u četvrtak optužbe protiv potpredsjednika Tariqa al-Hashimija, koji je sunit, da je odgovoran za napade na sigurnosne zvaničnike i šiitske hodočasnike. Sudsko vijeće, koje je uspostavilo Vrhovno pravosudno vijeće, navodi da je on godinama organizirao slične napade. Sunitski lideri smatraju da je upitna nezavisnost ovog vijeće.

U decembru prošle godine premijer Nouri al-Maliki, koji je šiit, objavio je nalog za hapšenje Hashimija, što je izazvalo spor između političara ove dvije etničke grupacije. Hashimi negira optužbe te je pronašao utočište u kurdomskom regionu na sjeveru Iraka.

Sunitski lideri su od objavljivanja naloga za Hashimijevo hapšenje bojkotirali rad parlamenta i vlade, ali su nedavno ponovo počeli s radom, što je izazvalo nadu da je kriza konačno pod kontrolom.

*Izvor: Al Jazeera*